

LOU BRÛSC

JOURNAU POUPULARI DE LITERATURO, D'ISTORI E DE SCIENCI
PAREISSÈNT TOUTEÏ LEI DIMENCHE

Depausitàri majourau pèr Marsiho : A la *Librairie des Bons Feuilletons*, 50, carriero de la Darso 50

Abounamen :
SET franc pèr an pèr touto la França.
Fouero França, lou port en subre, ço
que revèn à 1.25 fr.

Tout ço que toco lou journau dèn
èstre manda afranqui à l'Empremarié
Prouvençalo, 15, carriero d'ou Grand-
Relôgi, à-z-Ais.

Les annonces, réclames et faits di-
vers sont reçus exclusivement à la
Société Anonyme de publicité, 52 rue
d'Aboukir, fermière de la publicité.

TAULETO

- PASSO-TÈMS. — Lou Gardi couifa - *J.-B.G.*
- POUESIO. — Moun Album : Félix Gras - *Louis Astruc*. — Bono annado - *L. Blachère*. — Sourire e pouloun - *E. Jouveau*. — Sounet à En F Mistral - *Ant. Fernaud*. — La nue terriblo - *La Troubairis Justino*.
- REMEMBRANÇO. — Dôu 23 au 29 de Janvié — *L. A. Gardaire*.
- CROUNICO. — Acamp de la Mantenènço — Lou Councours de Béziers — Lou Felibrige à Paris.
- REVIRAMEN — Lei fablo de mèste Jan : La reven-duso e la cantuso - *Pèire Maziero*.
- BIBLIOGRAFIO — Anfos.
- TEATRE PROUVENÇAU. — Lou Sicilian - *Marius Bourelly*.
- FEUILLETOUN. — Pèire de Prouvenço e la bello Magalouno.

PASSO-TÈMS

LOU GARDI COUIFA

Un gardi d'ou camin de ferri, un sero, voulié faire rintra sa voulaio, perque s'anèsse ajouca. Mai l'auceliho testardo, que se v'èro pas di, anavo d'eici d'eila, e noun voulié enrega lou draïou de la gardeto per s'ana jaire. Se la poussavo à dia, anavo à irôu. Lei galino carcalejavon e galejavon ; lei gau alargavon de cacaraca plen d'arrougantiso, e semblavon se ficha d'eu. Courrié coumo un perdu, uno bletô à la man, sus soun

avé emplumassa. Au mai disié de sacrebiéu, au mai lou bestiari alu anissavo sa crestô, cambèjavo, voulastrejavo e fugissié lou galinié e sei luncarno que badavon espantado.

Lou gardi alassa, desalena, boufavo e se fretavo lou su tout susarènt, quand tout d'un coup uno idèio gislè de sa memento. Se souvengué que quand sa fremo voulié manda sa voulaïo à coucheïroun, fasié que li dire : cocoto, coto, coto, coto ! emè soun parladis lou pu melicous, e que la voulaïo, coumo de sourdat que s'envènon à la caserno, s'arregueïravo, e uno à uno, sautavo sus l'ajoucadou. Que fè alor lou garnissari de P.-L.-M. ? Courrè lèu se bouta sus la tètô la couïfo de sa mouïé, e cencha soun faudau. Pieï se metè à faire em'un biaïis courous : cocoto, coto, coto, anas jaire ! Gau e galino, alor, troumpa pèr aquelo enmascaduro e aquelo voues de masco, cresènt avé afaire à la meinagièro que li pourgié de granio e veniè culi l'uou fresc dins la paniero, gau e galino se fèron plus prega, e, coumo de fedo que revènon au jas, anèron s'ajouca adarrè en piéutant e repepiéutant : Anan à Jouquo ! Anan à Jouquo !

L'aucelaïo èro pancaro touto dintre, quand s'ausè sibla lou camin de ferri, e sibla e èstre aqu fougè tout un. Lou paure gardi, afouga, avié oubliada l'ouro d'ou trin. Perèu, bandissè lèu soun faudau en l'èr, e s'encourrè au bord de la veto ferrado, en tenènt à la man lou drapèu que fa lei signau. Avié oubliada de se leva la couïfo qu'avié subre lou su. Pensas la mino qu'avié emè sa caloto de mousselino, soun avançamen de dantèlo, sa moustacho, sa barbicho e soun viesti d'our-